

四庫全書

子部

欽定四庫全書

子部

普濟方卷二百十四

詳校官太醫院醫官臣姜晟

編修臣倉聖脈覆勘

總校官中書臣朱鈐

校對官中書臣范來宗

謄錄監生臣江晉

欽定四庫全書

普濟方卷二百十四

明

周王朱櫛

撰

小便淋秘門

小便淋秘

附論

夫熱結中焦則為堅下焦則為溺血令人淋閉不通此多是虛損人服大散下焦客熱所為亦有自然下焦熱者且自小可善候之○凡氣淋之為病溺雖澁常有餘瀝石淋之為病莖中痛溺不得卒出膏淋之為病尿似

膏自出勞淋之為病勞倦即發痛引氣衝下血淋之為病熱即發甚則尿血治之皆與血淋同凡人候鼻頭色黃小便難也○醫經曰膀胱不利為癰不約為遺尿又云膀胱者州都之官津液藏焉氣化則能出矣人之有生將理失宜役用過度勞傷腎經藏熱熱留膀胱流入脬藏遂成淋病腎藏有寒寒積膀胱注於脬藏小便頻數或遺尿而不禁遂成淋病治之宜辨其寒熱熱者清利之寒者溫補之○諸淋所發皆腎虛而膀胱生熱也

水火不交心腎氣鬱遂使陰陽乖舛清濁相干蓄在下焦故膀胱裏急膏血沙石從小便道出焉於是有欲出淋瀝不斷之狀甚者積寒其間則令人悶絕矣大凡小腸有氣則小便澁小腸有熱則小便痛痛者為血淋不痛者為尿血敗精結者為砂精結敗者為膏金石結為石揣本揆原各從其數也熱劑之法並用流行滯氣疎利小便清解邪熱其餘調平心火此三者之綱領心清則小便自利心平則血不妄行最不可姑息用難氣得

補而愈脹血得補而愈澁熱得補而愈盛水竇不行加之穀道閉遏未見其有能生者也雖然腎熱虛弱囊中受寒亦有挾冷而小便淋澁者其狀先寒戰而後洩便蓋冷氣與正氣交爭冷氣勝則寒戰而成淋正氣勝則寒戰解而得便溺也有胞系轉戾證臍下急痛小便不通凡強忍小便或尿急疾走或飽食忍尿飽食走馬忍尿入房使水氣上逆氣迫於胞故屈戾而得舒張也胞落即殂○腎主水膀胱為之府水儲於膀胱而泄於小

腸實相通也然小腸獨應於心者蓋陰不可以無陽水不可以無火水火既濟上下相交此榮衛所以流行而水竇閤闔所以不失其司耳惟夫心腎不濟陰陽不調故內外關格而水道澀傳送失度而水道滑熱則不通冷則不禁其熱甚者小便閉而絕無其熱微者小便難而僅有腎與膀胱俱虛客熱乘之故不能制水水挾熱而行澀焉是以數起而溺有餘澀腎與膀胱俱冷內氣不充故胞中自滑所出多而色白遇夜而盛愈多若夫

下焦蓄血其與虛勞內損則便溺自遺而不知下焦虛寒不能溫制水液則便溺欲出而不禁是皆心不與腎交通故或冷或熱而滑澀隨之矣嘗以清利行之如赤茯苓麥門冬燈心車前子之類是也心氣虛小便滑利以溫和益之如乳香益智巴戟人參之類是也○醫學發明云三難曰脉有太過有不及有陰陽相乘有覆有溢有關有格何謂也語曰關則不得小便格則吐逆關者甚熱之氣格者甚寒之氣是關無出之由故曰關也

格無入之理故曰格也雖然關以前者陽之動也脉當

見九分而浮

天九也

過者法曰太過減者法曰不及遂上

無為溢為外關內格此陰盛之脉也關以後者陰之動

也

天

脉當見一寸而沉

地十也

過者法曰太過減者法曰

不及遂入無為覆為外關內格此陽乘之脉故曰覆溢

是其真藏之脉人不病而死也註曰寒在胸中遏絕不

入熱在下焦壅塞不便內經云人迎大四倍於氣口名

曰關關則不得小便格則吐逆夫小便者是太陽膀胱

所主長生於申申者西也西者金也故金能生水金者肺也肺中伏熱水不能生是絕小便之源也人輔相天地膀胱之源自頭項下至於足故曰陽中之陽如渴而小便不通者不得降是也聖人立法皆用清燥金之正化氣薄之藥茯苓猪苓澤瀉琥珀燈心通草車前子瞿麥扁蓄之類皆為淡滲之藥能泄肺火而清肺金滋水之化源也若熱在下焦是絕其流而溺不泄也須用氣味俱厚陰中之陰藥治之昔者長安有大賈王善小便

不通漸成中滿腹大堅硬如石壅塞之及復脚堅脹破
裂出黃水雙睛凸出晝夜不得眠飲食不下痛苦不可
名狀趙廉甫蕭丈尉輩諸子求治隨往病家果病人之
苦平昔未曾見問因受病之源始病不渴近添嘔噦唾
以大盤藥緘示之遍示名題治中滿利小便滲泄之藥
悉脩平生不經見者亦多急難措手乃辭歸從夜至旦
耿耿不寐窮究其意理忽記素問有云無陽則陰無以
生無陰則陽無以化又云膀胱者州都之官津液藏焉

氣化則能出矣至病小便癰閉是無陰而陽氣不化者也凡謂小便之藥皆淡味滲泄為陽是氣藥陽中之陰非地方之寒水陰之中陰所化者也此乃奉養太過高粱積熱損北方之陰腎水不足膀胱腎之室久而乾涸小便不化火又逆上而為嘔噦非隔上所生也獨為關非格病也蓋此老人日熱在下焦損塞不便須治關格之法今病內關外格之病悉具死在旦夕且下焦未易愈隨先治其北方寒水魚進大苦寒氣味厚藥黃柏知

母桂為引用丸如桐子大滾湯下二百丸少時來報須
臾如刀刺前陰火燒之痛溺出如暴泉湧出卧具皆濕
床復沉流顧盼之間腫脹消散凡大人小兒病沙石淋
及五種淋澁癰閉并臍腹痛益元散主之以長流水調
下蓋因熱在膀胱燥其津液故俗謂冷淋者天下之通
弊也五花散減桂加益元散名淡滲散

方

琥珀茯苓丸

治膀胱經積熱以致小便澀閉淋澁

琥珀

另研細

滑石

用桂府者研細

知母

去皮頭

黃柏

去粗皮

蛤粉

赤茯苓

去皮

川木通

去皮

當歸

澤瀉

去頭各二兩

人參

山梔子仁

赤芍藥

白朮

猪苓

去皮

黃連

大黃 黃芩

瞿麥

扁蓄

木香

右為末同琥珀滑石蛤粉和均滴水丸如桐子大
每服四錢早晨空心用溫白湯送下

引水散 治小水秘澀不快或不通

石燕 海馬 海蛤 滑石 琥珀 赤茯苓

川木通 通草 澤瀉 猪苓 車前子微炒 茴香

瞿麥穗 扁蓄 忘憂根 木香 白丁香

越桃炒係山梔子仁 苦葶藶紙襯炒 鬼棘針各一兩

右除石燕海馬外各一兩同為麤散每服五錢水一盞半燈心三十莖同煎取清汁八分入麝香一匙拌勻故溫食前服麝香少許亦可

地膚子湯出三因方 能治下焦熱結小便赤黃不利數起出

少莖痛或血出瘟病後飲熱及霍亂後當風取涼過

度飲酒房勞及行路胃熱冷飲逐熱熱結下焦及藥石熱動關格小腹堅脬脹如斗諸如此淋悉皆治之

地膚子

三兩一作草

知母

五錢研

黃芩

五錢切

猪苓

五錢切

瞿

麥

五錢炒

枳實

五錢研

升麻

五錢錢

通草

五錢切

葵子

五錢研

海

藻

洗淨五錢

右呔咀以水一斗煮取三升分三服大小便皆閉者加大黃三兩女人房勞腎中有熱小便難不利小腸痛脉沉細加猪腎一具若加腎可用水一斗半先煮

腎取一斗汁然後納藥煎一方不用枳實一方用生
姜煎忌食甘草

通草湯

出危氏方

專治諸淋

通草

二兩切

王不留行

五錢切

葵子

二兩研

茅根

二兩切

桃

膠二兩瞿麥二兩

炒

當歸身

一兩切

蒲黃

一兩研

滑石

一兩研

甘草

炙半

右咬咀每服四錢水一盞半姜五片煎八分去滓溫
服不拘時候

石韋散

治腎氣不足膀胱有熱水道不通淋瀝不宣
出少起數臍腹急痛蓄作有時勞倦即發或尿如豆
汁或便出沙石

當歸身

瞿麥麴

葵子

脂石韋

木通稍

白芍藥

生白朮

飛滑石

王不留行

炙甘

草

各等分

右為末每服二錢煎小麥湯調下食前日二三服一
方治百種淋密淋熱淋勞淋小便澀脬中滿小腹急

痛當歸水煎服

十味滑石湯

出聖惠方

專治患淋來積年比醫治不能得痊

或治十日一發即有可時今年因病更頻數至二十日來不止

滑石 冬葵子 瞿麥 脂石韋各五分 蒲黃 陳

橘皮 芍藥 白茯苓一方用赤茯苓 芒硝 子苓

右搗篩為散空腹煮飲子服方寸日二服漸加至一大鍾忌熱麵炙肉醋蒜等一方粥飲服

飲子方

桑白皮 白通草 百合 白茅根

十枝新者

右調剉以水四升煮取二升去滓溫下散藥口乾渴含服之亦得

潦淋散

石韋 大虫魄 滑石 茯苓 金當歸 芍藥

黃芩 冬葵子 亂髮

三團 瞿麥

右為散服方寸七日二服忌酒麵炙肉油膩蒜鱸酢

及忌熱物

沉香琥珀散 治諸淋澀不通皆可服

琥珀屑 忘憂根 白通草 小茴香 大扁蓄

木通梢 血竭 滑石 海金沙 木香

各半兩

右為麤末每服一兩水二盞半燈心一把竹葉十片連根葱白三枝同煎七分去滓溫服空心食前如便塊加大黃五錢水道澀痛如山梔子五錢淋血如生地黃一兩暴流水更加極驗

海金沙散

治五淋澀痛

澤瀉

五錢 研

滑石

研水 飛

猪苓

五錢 切

海金沙

五錢 研

脂石

韋

淨桂肉

一錢 去皮

白朮

甘草

赤茯苓

芍藥

右為末每服三錢水一盞燈心同煎七分空心溫服

參耆湯

治心虛客熱乘之小便澀數而瀝

赤茯苓

三分 半

生乾地黄

二分 半

綿黃耆

二分 半

桑螵蛸

二分 半

地骨皮

二分 半

人參

二分 半

北五味子

二分 半

甘草

炙二分 半

右剉散每服三錢井水一盞煎臨熱入燈心二十一
莖去滓溫服

療淋方

茯苓

打碎切

地骨皮

生甘草

切去稍

黃芩

前胡

各二

兩

生薑

切去皮

麥門冬

青竹葉

五十片

蒲黃

各等分

右切以水九升煮取二升六合去滓分為三服服別

相去如人行七八里忌熱麵油膩海藻菰菜酢物

療治諸種淋

榆皮打碎車前子

各二兩

冬瓜子

一升

鯉魚齒

二十個

桃膠

白通草

去稍切

地麥

各二兩

瞿麥

一兩

右呔咀以水一斗煮取三升分三服日三

療治五勞七傷八風十二痺勞結為血淋熱結為肉淋

小便不通莖中及小腹痛不可忍者

滑石

研水飛

桂心木

冬葵子

炒研細

王不留行

通

草

一方作木通

車前子

各二分

甘遂

石韋

右為散以麻子飲五合和服方寸七日三尿沙石出

効一方加白榆皮三分

五淋散

治膀胱有熱水道不通淋瀝不宜臍腹急痛或

尿如豆汁便如沙石淋膏尿血並宜服

山茵陳

二兩
去根

淡竹葉

洗去
泥

木通稍

赤茯苓

飛

滑石

炙甘草

赤芍藥

山梔子

各等
分

右吹咀每服三錢水一盞煎服一方加當歸除木通

滑石曾有人淋而至血片痛甚空心鹽湯吞鷄蘇丸

及觀其方用藥有理

八正散 治小便赤澀或癰閉不通及熱淋血並宜服之

大黃 麴 瞿麥穗 木通 飛滑石 大扁蓄

各等

分車前子

微炒

山梔子

酒焙

甘草

右為末入燈心同前小兒少少與之

療治黃胆後小便淋瀝方

猪腎 白茯苓 瞿麥穗 車前子

微炒

黃芥

各等

分椒目 川澤瀉 地膚子

右咬咀水二斗煮車前取一斗六升去滓下猪腎煮
取一斗三升去腎下藥煮取三升分三服

石韋湯 治氣壅關格不通小便淋結臍下悶

石韋 研末 細 徐長卿 切 研 茅根節 木通稍 冬葵

子 炒 研 細 滑石 研 水 飛 瞿麥穗 生檳榔

右咬咀如麻豆大每服五錢七分水一盞半煎七分
去滓下朴硝末一錢煎溫服空心食前日二

療治諸種淋方

葵根

去泥洗淨

茅根節

石首魚頭夾

炙甘草

切去稍

通草稍

貝子

大麻根

右咬咀以水一斗二升煮取五升分五服日三夜二

亦治石淋病

琥珀散 治五淋

滑石

研水飛

琥珀屑

木通

全當歸

廣木香

鬱金

大扁竹各一兩

右為末每服三五錢用蘆葦葉同煎食後日三服

導赤丸

治心腎氣鬱膀胱有熱小便淋痛及諸熱壅

滯

生乾地黄

切研細

木通稍

山梔子

炒研細

赤茯苓

赤芍藥

飛滑石

生大黃

各一兩

右為末煉蜜丸桐子大每服二十丸食後前導赤散

送下熱水亦得

榆皮湯

治療淋

瞿麥

二兩炒

防葵

一兩切

榆白皮

一兩研

葵子

一兩研

滑石

二兩一
方四兩
甘草
二兩炙
黃芩
一兩一
方二兩

右切以水一斗煮取三升分二服忌海藻菘菜一方

無防葵

海金沙散 治小便淋瀝及下焦濕熱氣不施化或五

種淋疾癰閉不通

木通稍

瞿麥穗

炒研細

滑石

研細

白通草

各兩半

杏仁

酒浸去皮麋
炒黃一兩

右為末每服五錢水一盞半燈心二十莖同煎七分

去滓食前溫服

又治痛方

滑石

飛研水

白朮

細切研

貝母

白茯苓

川通草

各一兩

右為散酒服日二服十日瘥

治淋疾

用石燕子七個搗黍米粒大新桑根白皮三兩剉如
豆粒同拌勻分作七貼用水一盞煎一貼取半去滓
溫服空心午前至夜各一服

五淋散 治腎氣不足膀胱有熱水道不通淋瀝不宜
出少起多臍腹急痛蓄作有時勞倦即發或尿如豆
汁或沙石或淋如膏或熱淋便血並皆治之

山梔仁

赤芍藥

甘草

生用

全當歸

五兩

赤茯苓

六兩

右為末每服二錢水一盞煎八分空心食前服或以
五苓散和之用竹園安門冬草蔥頭燈心煎湯調下
一方有黃芩

葵子散 療淋利小便

葵子

半斤

滑石

二兩

石南葉

一兩

地榆

三兩

石韋

一兩

通草

二兩

右為散飲服方寸日三服良

六味湯

治小便淋瀝此病有數種有石淋有熱淋有

氣淋氣淋者氣壅塞小便不通遂成淋此病自須依

前治氣水氣法石淋者緣先服石石氣不散壅濁生

熱故成石淋熱淋者體氣生熱更緣石飲將息傷熱熱

氣灼灼遂成熱淋更無餘候但若體氣熱小便澀出

處酸灑宜服

瞿麥穗

微炒

冬葵子

一升

榆白皮

一升

白茅根

一切

升石韋

四兩

桑白皮

六兩

右切以水一斗煮取三升去滓溫分三服如人行十

里久服三五劑後宜合大虫魄五味散服佳

五味散

大虫魄

六兩

石韋

三兩

瞿麥穗

四兩

冬葵子

三兩

茯苓

六兩

右為末煮桑根白皮作飲子初服一升寸七日再服

稍加至三七忌酢物

赤葵湯 治小便微痛漸難欲出不出痛不可忍者

赤茯苓 冬葵子 脂石韋 川澤瀉 大白朮

各等分

右為細末每服三錢水一盞煎七分溫服

車前子散 治諸淋小便痛不可忍

車前子 生 淡竹葉 洗 去泥 荆芥穗 赤茯苓 燈

心

右分作二劑多用新汲水煎任意服

猪苓湯

治五淋傷風感寒脉浮發熱渴欲飲水小便

不利

猪苓

一兩切

赤茯苓

一兩

真阿膠

五錢

川澤瀉

五錢切

白滑

石

一兩

右剉散每服五錢水一盞半煎溫服不拘時候

瞋眩膏

治諸淋痛不可忍受及沙石淋

用大羅蔔切一指厚四五片好白蜜淹一時安淨鐵

鏊上慢火炙乾則又蘸蜜取盡二兩蜜番覆炙令香軟不可焦俟溫細嚼以鹽湯一盞送下立効

滑石湯 療淋

滑石 研水 榆白皮 炒微 地膚草 冬葵子 脂石

韋 各二兩

右切以水一斗煮取四升分四服日再服甚良

諸般淋病

用桃膠水浸一宿天明只服其水

治五淋皆腎虛所致雖病久服之必愈

琥珀

分一澤瀉

分一石鷺子

生半兩

海金沙

兩半

葵菜子

分一

右為末每服三錢用新取桑白皮濃煎湯調下食前
空心日進三服如淋退可使服八味丸補之忌炙燂
房事熱酒酸物等應下膏血沙石淋脹悶者服之如
神每疾作飲食嘔吐者服之妙

琥珀散 治五淋澀痛小便有濃血出

琥珀屑

海金沙

研極細

沒藥

研極細

蒲黃

各一兩

右為末每服三錢食前濃煎葦草根湯調下日二服

治淋痛方

葵子

炒研細

茯苓

大白朮

全當歸

各二兩

右咬咀以水七升煮取二升分三服日三

利水散 治各證隨用後湯下

山梔子

微炒研

白藥子

飛滑石

川木通

各半分

右為末每服一錢血淋酸漿甘草煎湯下石淋燈心湯下沙石淋木通湯下冷淋新汲水下

治淋澀

黃連

吳茱萸炒

赤芍藥

廣陳皮

黃酒炒

地骨皮

各等分

右為粗末水煎四錢溫服量人大小服

秋石丸 治濁氣干清精散而成膏淋黃赤白黯如汁

肥膏油

蜜之狀

白茯苓

一兩研

桑螵蛸

蜜炙

秋石

五錢鹿研

角膠

搗碎炒黃焦米粒大各半兩

右為末研和糕糊丸梧桐子大每服五十九人參煎

湯下

葵花散

出衛生實鑑方

專治小便淋瀝

用葵花根洗淨剉水煎三五沸服立愈

治諸種淋方

用白沙三升熬令極熟以酒三升淋取汁服立愈

療五淋方

夫五淋者石淋氣膏淋勞淋熱淋血淋也

石淋之為病小便莖中痛尿不得卒出時時出痛引

小腹膀胱裏急氣淋之為病小便難常有餘瀝膏淋

之為病尿似膏自出小腹膀胱裏急勞淋之為病倦

即發痛引氣衝小便不利熱淋之為病熱即發其尿
血後如豆汁狀蓄作有時五淋各異療方用雜故不
載也

廣蟲

五分熬一
方作虫蟲

班蝥

一分
研

地膽

四分
研

猪苓

一錢

右為散每服四分日進三服夜二服但小腹有熱者
去猪苓服藥二日後以器盛小便當有所下肉淋者
卒下肉血淋者下如脉如繩若如膿肉氣淋者下如
羹上肥石淋下石或下沙劇者十日即愈禁食羹猪

肉生冷魚葱鹽醋以少小麥汁服之良

治淋

酸棗仁

二兩半

金櫻

二兩半

杜仲

二兩半

兔絲子

二兩

右用山藥四兩為糊丸硃砂為衣空心鹽湯酒任下

滑石散

方見本門熱淋類

能治百種淋寒淋熱勞淋小便淋瀝

睪中滲脹急痛者宜服之

銹刀散

治一切淋瀝服藥未効

用銹刀一口多年者最佳用一石塊磨以盆內碗盛

水磨之澄清每服半盞或一盞不拘時服一方磨剪

刀水交股水一盞服即通

治五淋

出海上方

川續斷

一兩切

貝齒

半兩研

茴香

二分研

甘草

一兩研

右為末每服三錢水一盞煎七分溫服

治尿淋痛

出儒門事親

益元散

二錢茴香二分研

右為末水煎服之

火府丹

治心經蘊熱小便赤少五淋澀痛

方見本門

朴硝散

治五淋

朴硝

五分

海金沙

一錢

皂角

三分

右為末沙糖井花水調下

榆白皮散

治諸淋水道澀痛

榆白皮

瞿麥

甘草

右為末熱水調下半錢如血淋加蒲黃熱湯服

治小便淋澀痛

羊角葱 小童尿 黃土

右一處搗為泥作餅子先以鹽不拘多少炒過放在
臍窩內揉出汗後用前三味餅子蓋了緋絹捻定須
臾小便出如赤水効

分清飲

出簡易方

專治五淋如神

苧麻根 白茯苓 赤藤

右為末每服一大錢百沸湯調下

導赤散 治心虛蘊熱小便赤澁或成淋瀝

生乾地黄

木通

甘草

各等分

右剉散每服三錢竹葉十片煎不拘時服

治淋疾數年不愈者

出危氏方

用四君子湯去甘草每服三錢水一盞煎服

滑石散 治小兒淋澀疼痛不通

滑石

碎

海金沙

木通

剉各等分

右為散每服二錢濃煎燈心湯調下空心服

近効療淋方

人參六分厚朴三分粟米二合

右切以水三升煮取汁七分新布絞去滓分三服溫服別相去如行七八里久忌食生冷等物

治小便淋澀或有血

以赤根樓蓂近根截三寸許安臍中以炙七壯

神保丸

出永類
鈴方

大凡水道不行其本在腎合用牽牛及

澤瀉其本在肺合用葶藶桑皮二者兼行必治中病其間更以木通滑石佐之又能透達雖然大便小便

脉絡相貫也人有多曰小便不通但用神保丸比亭
九輩大瀉數行小腸自利

抵聖散

一名信効散

專治五淋

檳榔

麵煨三錢或五錢

赤芍藥

一兩

右為末每服三錢水一大盞煎至七分去滓熱服一
方加燈心五莖煎空心服

倒換散 治無問新久癰閉不通小腹急痛

大黃 荆芥

右各另為末每服一二錢溫水調下臨時加減

治結成腫實未潰小便不通者

用蔥白不拘多少碎切入麻油內煎令黑色去蔥不用只收油起微熱通手逐旋塗上自消

車前子散

出經驗良方

治諸淋閉澀不通者大抵諸淋腎與

膀胱熱也腎與膀胱為表裏俱屬於陰水水入小脬中行於陰為小便也腎氣不通於陰水液之道路膀胱為津液之府津液內溢流於腎水道不通停積於

脬腎熱而氣澁故水道不利小便澁故謂之淋其狀
小便數而出少小腹引臍急痛又有石淋氣淋血淋
行證殊異主療不同今以治之

車前子

滑石

各一兩

右為末米飲調下半錢食前日三服一方塗臍四畔
約四寸水和調妙服亦可

二神散

指出直指方

專治諸淋急痛

黃色海金沙

七錢半

滑石

半兩

右為細末每服二錢半多用燈心木通麥門冬草新
水煎入蜜調下

白薇散

出危氏方

專治血淋熱淋

白薇

擇良者

芍藥

各等分

右為末每服二錢酒調下立効或加檳榔

治五淋

真定器

火燒存性研為細末一兩

生熟地黄末

各一兩

右每抄定器末一錢地黄各半錢煎木通湯調下不

拘時候服神効

治五淋

用石決明去麤殼研細如有硬如石者即添杉木節
為末用熱水調七錢七分

治小便淋瀝或有或無

用大蒜一個紙包煨過露一夜來日空心用新水送
下

苦杖散 治沙淋諸淋每溺時器中剝有聲痛楚不堪

用杜牛膝淨洗碎之凡一合用水五盞煎耗其四而留其一去滓以麝香乳香少許研調服又用單酒濃煎下亦可

乳石散 治血淋及五淋等韓安伯叅議名元脩尊人胃患此疾數日痛楚不可言服之遂愈

右煉乳香中夾石者研細以米飲下或麥門冬湯調下每服以饑飽適中時服空心亦可

治淋

用生續斷絞取汁服之是馬前根

治氣腫關格不通小便淋結臍下妨悶無痛

用滑石八分研水麴以水五大合和攪頓服又蝦蟇
小者有毒人小便秘澁臍下疼痛至死者以生豉一
合投新水半碗浸令水濃頓飲之愈

理淋方

用赤小豆三合慢火炒肉為末煨葱一莖細剉煖酒
調二錢溫服男女人熱淋並療

治疥淋

用石灰汁洗之自好

治五淋

用鷲尿取末以冷水服五錢旦服至食時當尿尿石出

治淋疾

以雲母溫水和服三錢

治淋渴

用石鍾乳搗節節白練裹之合諸藥草漬酒服

透格散

治五種淋疾勞淋血淋氣淋熱淋石淋及小

便不通至甚者一名消石方

用消石一兩不夾泥土雪白者生研為細末每服二錢諸淋各依湯便如後勞倦虛損則發小便不出小腹急痛葵子末煎湯下痛後便須服補虛丸散血淋小便不出時時下血疼痛滿急熱淋小便赤色淋瀝不快臍下急痛並用冷水調下氣淋小腹滿急尿後

常有餘瀝木通煎湯溫調下石淋莖內痛尿不能出
內引小腹急脹疼痛尿下沙石令人悶絕將藥末先
入鍋子內隔紙炒至紙焦為度再研令細用溫水調
下小便不通瞿麥湯下諸淋並只以冷水調下並空
心下先調使藥消散即服之更以湯送下服調藥末
効者服此立愈一方血淋山梔子仁煎湯調下熱淋
小便赤黃芩煎湯調下氣淋滑石湯下沙淋桑白皮
煎湯下

利五淋治不眠療齁

用榆白皮陰乾後焙杵為末每日朝夜用水五合末二錢煎如膠服瘥

又方

用烏石丸煎汁冷服之并止小便

治五淋小便赤少莖中疼痛

用冬麻子一升杵研濾汁二升和米三合煮粥著葱椒及熟煮空心服之

治諸淋

用馬莧飲汁服之

治淋

用繁縷草滿兩手握水煮服之

又方

取牛耳中毛燒取半盞水服瘥一方用尾燒灰服

又方

取石首魚腦中枕骨燒為末飲下水服亦可

治小便不利膀胱脹水氣流腫及胞轉方

用水上浮萍曝乾為末服方寸日三

地髓湯 治五淋小便不利莖中痛欲絕

用牛膝濃煎汁飲極効酒煎亦可一方以根煮服之
一方槌破每兩用水二盞煎至一盞去滓一日五服
○有葉朝議親人患血淋流下小便盆內凝如狗溺
久而有變如鼠但無足耳百治不瘥遇一村醫言服
此藥雖未愈而血色漸淡久乃復舊後十年其病再

作又服此藥瘥矣經驗方陳氏云予在臨汀妻黨方
守夷吾以其編類集要方見示遂刊於郡齊後鄂渚
得九江守王南強書云老人久苦此淋疾百藥不効
偶見臨汀禁要方中用牛膝者服之而愈乃致謝云
常聞郡邸有苦此者再試亦驗因檢本草自載牛膝
治小便不利莖中痛欲死却用酒煮取飲今再拈出
表其神効

治五種淋及淋下血二升者

用苧麻根兩莖切碎以水一碗半煎取半碗頻服即
通大妙一方用砂石水調下

髮灰散 治白淋大小便不通

以亂髮燒灰水服之

又方 治咳嗽五淋大小便不通小兒驚癇止血鼻衄
以髮燒灰吹內立已

治乳石發動小便淋瀝不通心神悶亂魚治氣淋

用船底青苔如半鷄子大以水一大盞煎五分去滓

溫服日三四服

酸漿酒方 治小便不通氣滿悶及治卒患諸淋遺淋

瀝不止小便赤澁疼痛

用酸漿草一握研取自然汁與醇酒相拌和服立通
不飲酒用甘草三寸生薑一棗大剉同研用井花水
五分盞濾取汁和服亦得

療莖中淋有石方

取鷄屎白半觔曝乾熬令香擣篩為末散酒服醪酲

日三服到一二日當下石便當於器中尿石下為驗
又療淋澀所不能療者神方

取葛上亭長折斷腹腹中有白子如小米長二三分
取着白板子上陰乾燥一二日藥成若有人患十年
淋服三板八九年以還服二板服時以水着小盃中
如棗許納藥盃中半食頃以瓜甲研當令扁扁見如
水中仰頭令人瀉入咽喉中勿令近牙近則着牙齒
間不盡得入咽之也藥雖微小下喉自覺至下焦淋

所有頃藥作大煩急不可堪者飲麥乾飯汁藥性即止也若無麥乾飯汁但水亦可耳老小服三分一曰藥當下淋疾如膿血連連爾石去者或如指頭或青或黃男女服之皆水道去并療婦人產生後餘疾積聚或成帶下服之皆愈此虫正月二月為莞青三月為王不留行四月五月六月為葛上亭長七月為班貓九月十月為地膽隨時變耳亭長時頭當赤身黑若藥不攻淋不下以意節度更增服之

治淋瀝

用水芹菜白根者去葉搗汁并水調下

理氣熱淋疾小便數急痛小腹虛滿

用通草煎湯并葱食之効

治尿不出方

用白鹽以濕紙裹燒成白花吹入之効

八味丸

方見本門
小便難類

治熱淋血淋

用八味丸如燈心車前子煎不拘時候服

木香燈草丸

治小便澀滯或濃溺不通及陰莖中痛

木香

紅花

燈草

各三兩

右為末糯米酒打糊丸梧桐子大每服七十九溫酒

下食前日進三服

瞿麥散

一名石韋散

治五淋

方見本門

治諸淋痛方

取猪脂酒三合日三小兒服一合臘月者

石韋散

治諸淋及小便不利陰中痛日數十度起此

皆勞損虛所致

石韋

去皮

滑石

瞿麥

王不留行

葵子

各二兩

右為散每服方寸每日三服一方加滑石五兩無王不留行一方治勞淋莖中疼痛日夜數起用葱白湯調下

薑黃散

治五般淋

薑黃

滑石

各二十兩木通

十八兩

右件為細末每服一錢水一盞煎七分溫下日三服

通草散 治腎氣不足膀胱有熱水道不通淋瀝沙石痛不可忍或出鮮血並皆治之

通草二兩 白芍一兩 王不留行半兩 甘遂三錢 石韋一兩 葵子

半兩 滑石半兩 蒲黃一兩 桂心一兩

右件為末每服三錢沸湯調下

治五淋通利琥珀散

真琥珀 薄荷 生薑 生地黃 車前子 藕

節五

右研為末取汁調服一服愈甚者再服皂角酒下

治淋方

皂角刺

破故紙

等分

右件為細末以無灰酒調下

香白芷散 治五淋經驗

白芷

鬱金

滑石

各一兩

右為末每服一錢沙石血淋用竹葉灰溫酒調下甚

者二服瘥

參苓琥珀湯

治小便淋瀝莖中痛不可忍相引脇下

痛

川棟子

生甘草

人參

玄胡索

茯苓

澤

瀉

琥珀

當歸稍

柴胡

右件咬咀作一服長流水三盞煎至一盞去滓溫服
空心食前數服大效中統三年六月中黃明之小便
淋瀝莖中痛不可忍相引脇下痛制以參苓琥珀湯
治之中書右丞相合剌合孫病小便數而欠晝夜二

十餘行臍腹脹滿腰脚沉痼不得安卧至元癸未季春下旬一日奉勅治之遂往診視脉得沉緩時時帶數嘗記小便不利有三不可一概而論津液偏滲於腸胃大便洩瀉而小便澁少者一也宜分利而已熱搏下焦隨濕而不行者二也必滲洩乃愈脾胃氣澁不能通調水調下輸膀胱化者三也可順氣令施化而出右丞公平日膏梁濕熱內蓄不得施化膀胱竅澁是以起數而見少也非滲洩分利則不能快利遂

治一方名曰茯苓琥珀湯內經曰甘緩而淡滲熱搏而津液內蓄臍腹脹滿當須緩之洩之必以乾淡為主是以茯苓為君滑石甘寒以利竅澀猪苓琥珀之淡以滲洩利水道故以三味為臣脾惡濕氣內蓄則脾氣不治益俾勝濕必以甘為助故以甘草白朮為佐鹹入腎鹹味下洩為陰澤瀉之鹹以瀉伏水腎惡燥急食辛以潤之津液不行以辛散之桂枝味辛散濕以潤燥此為因用故以二味為使煎長流甘爛水

使不助其腎氣大作湯劑令直達於下而急速也兩服減半旬日自愈

茯苓琥珀湯

茯苓 琥珀 澤瀉 猪苓 滑石 白朮 甘

草 桂心

右為末每服五錢煎長流甘爛水一盞調下空心食前待少時以羹膳壓之

治諸般淋

以熬鹽熱熨小腹

青麻湯 治淋瘀血及下血不止

用青麻根一十七根洗去土以水五升煮取三升冷服分六服

治五淋

出本草

用虎杖不計多少為末每服二錢用飯飲下不拘時服

治淋瀝疾

出本草

以白蒿燒淋灰煎服

下五淋

以紫荆木濃煮汁服之

主五淋

草 出本

取燈心草根及苗生煮服之或以敗席煮服之更良

治淋

草 出本

以黃芩四兩袋貯之水五升煮三升分三服

下淋

草 出本

以霹靂礮磨服之亦煮服

除淋

出本草

以菩薩石用水磨之服

治脬腫小便澁少精

出本草

以肥狗肉五觔熟蒸空腹喫之

治小便不利臍下結氣

出本草

以石蓴煮汁飲之

治卒小便淋瀝痛

出本草

用紫草兩握羅為散每服於食前以井水調下二錢

治淋澀產後同

主氣喘促浮腫小便澀

出本草

以杏仁一兩去尖皮熬研和煮粥極熱空心喫二合
効

治腹內熱結目黃不食大小便澀

出本草

用苦耽苗子煮汁服亦可生搗絞汁服

療淋疾

出本草

用小兒裙并左纏草二味洗淨焙乾等分搥羅為末
每服一錢溫酒調下無忌左纏草乃旋花根也

駐景丸 治小便淋澀

用車前菟絲二物蜜丸每服三十丸溫水送下不拘

時服

治淋 出本
草

用石鷲以水煮汁飲之有効

治五淋 出本
草

以古文錢煮汁服

治五淋

以風延母煎服之

治五種淋

用菟葵搗汁飲之

導引法

養生方云偃卧令兩足布膝頭斜踵置鳩口內氣振
腹鼻出氣去淋數又去石淋莖中痛又蹲踞高一尺

許以西手從外屈膝內入至足趺上急手握五指極力一通令內曲以利腰脚療淋也

氣淋

附論

夫腎虛則不能制小便膀胱挾熱則水道澀腎虛則膀胱熱胞內氣脹小腹堅滿而生淋澀之病也其後出少頻數尿有餘瀝是也亦曰氣癰診其脉少陰脉數者為氣淋

方

瞿麥湯 治氣淋澀滯

瞿麥穗 黃連 大黃 枳殼 當歸 桔梗

牽牛子 大腹皮 木通 羌活 延胡索 射干

桂心 去粗皮
一兩

右搗篩每服四錢水盞半入生薑七片煎八分去滓
溫服不拘時

白芷散 治氣淋結澀小便不通

用白芷醋浸焙乾二兩搗為細散煎木通酒調二錢

連進二服

治急氣淋陰腎腫

用泥葱半朮煨過爛搗貼臍

芍藥湯 治氣淋小便不通

赤芍藥

大黃

當歸

芍藥

各二兩

桂

去粗皮

人參

細辛

桃白皮

真珠末

半兩

雄黃

研三分

右搗篩每服三錢水一盞煎至七分去滓溫服不拘

時

十味滑石湯

治氣淋臍腹滿結小便不利

方見本門

吳茱萸散

出聖惠方

治氣淋腹脹不通

吳茱萸

乾薑

赤芍藥

桂心

當歸

桃白

皮

人參

細辛

真珠末

雄黃

各一分

右為散每服五錢水一大盞煎五分去滓入真珠末

雄黃末各一匙攪令勻更入酒半小盞煎三兩沸於

溫食前服

沉香散

出三因方

治氣淋多因五內鬱結氣不得舒陰滯於

陽而至壅閉小腹脹滿使溺不通大便分洩小便方利

當歸

沉香

石韋

滑石

王不留行

各半兩

葵

子

白芍藥

各三分

甘草

橘皮

右為散每服二錢煎大麥飲調亦得食前服

木香散

出聖惠方

治氣淋小腸疼痛

木香

鷄蘇

檳榔

各一兩

木通

細辛

赤茯苓

各三分

人參

當歸

桃仁

各半兩

右為細末散每服三錢水一盞煎六分去滓食前溫服

石韋散 治氣壅不通小便淋結臍下妨悶疼痛

石韋

赤芍藥

各半兩

白茅根

木通

瞿麥

滑

石

各一兩

葵子

川芒硝

木香

各一兩

右為散每服四錢水一盞煎六分去滓食前溫服

木通湯

治氣淋結澀不通

木通

木香

細辛

草豆蔻

人參

桃仁

肉豆蔻 赤茯苓

右搗篩每服三錢水一盞煎七分去滓溫服不拘時
瞿麥湯 治氣淋膀胱熱結小便不通

瞿麥穗 黃芩 雞蘇 各一兩 當歸 木通 白茯苓

芍藥 滑石 各三分

右搗篩每服三錢水一盞煎七分去滓溫服不拘時
服

茯苓散

出聖惠方

治氣淋小腹脹悶臍下時時切痛

赤茯苓 白朮 赤芍藥 各一兩 葵子 木通 榆

皮 白茅根

右為散每服三錢水一盞入葱三莖煎六分去滓食
前溫服以利為度

桑根白皮湯 出聖惠方 專治氣淋腹脇脹滿臍下血結小便

疼痛

桑根白皮 木通 百合 白茅根 鷄蘇 赤

芍藥

右為散每服四錢水一盞煎六分去滓食前溫服

大黃丸 治氣淋小便不快

大黃

赤芍藥

各一兩

黃芩

杏仁

芒硝

各一兩半

右為末和勻煉蜜為丸如梧桐子大每服二十九溫

熱水下食前服

桑白皮湯

方見本門小便淋秘類

治氣淋結澀洩便不利

海金沙散

治氣淋結澀不快

海金沙

別搗二兩

滑石

研細

甘草

山梔子

各一兩

右將甘草梔子仁二味搗羅為細散入餘藥再研勻
每服一錢清茶調下不拘時服

貝齒湯 因氣成淋小便切痛或洩血或如豆汁

貝齒 研一枚 冬葵子 研半合 石膏 一兩半 滑石 碎一兩

右咬咀如麻豆大每服五錢水一盞半煎八分入猪
肪脂少許再煎數沸去滓空腹溫服

通神散 方見本門沙石淋類 治氣淋結澀不通

葵子湯 治氣壅不通小便淋澀結臍下妨悶疼痛

葵子

合一生茅根二

西青橘皮一
西

右為散水二大盞葱白五莖煎取一盞二分去滓食

前分二服

石韋湯

治氣淋小便不利脹滿

石韋

一雞脾草三
西

右搗篩每服三錢用水一盞煎七分去滓溫服不拘

時

榆枝湯

治氣淋臍下滿急切痛

榆枝

半兩

石鷺子

三枝

右搗篩每服三錢用水一盞煎七分去滓溫服不拘時服

綿灰散 治氣淋結痛不通

好白綿

四兩燒灰

麝香

一兩

右和勻每服二錢溫蔥酒調下連服三服

治氣淋澀洩痛

香羅

半兩

膩粉

一兩

右為末研令勻以軟飯和丸如小豆大每服於食前以冷水下五丸

治氣淋寒淋小腹滿及手脚冷

山荊根

二兩
荊勝一兩
為末

右以水三大盞先煎山荊根取一大盞半去滓下荊勝末攪濾取白汁食前分三服

又方

榆白皮

當歸

各半兩

右細剉水一大盞煎六分去滓磨入石鷲一枚頓服
治氣淋方

用水三升煮豉一升一沸去滓入鹽一合頓服可一
方單煮豉汁服

又方

右搗葵子末湯服方寸

又方

右空腹單茹蜀葵一滿口

治氣淋臍腹切痛

用鹽和醋調下

治氣淋臍下切痛

用鹽和豉搗作餅子填在臍中向鹽上灸二七壯瘥

冷氣
附論

夫腎以膀胱為表裏下通於胞宣行水道腎臟虛弱冷氣客於下焦邪正交爭滿於胞內水道不宣故其狀先寒顫然後便溺成淋謂之冷淋也

方

肉蓯蓉丸 治冷淋

肉蓯蓉

酒浸

熟乾地黄

山茱

石斛

牛膝

去根

桂

去粗皮

黃耆

附子

黃連

甘草

細辛

檳榔

右為末煉蜜丸如梧桐子大每服二十九丸鹽湯或酒下不拘時服

黃耆丸 治腎虛膀胱冷淋瀝不利

黃耆

黃連

土瓜根

各二兩半

玄參

地骨皮

菴

莢 鹿茸

二兩

牡蠣

二兩

人參

桑螵蛸

五味子

各一

兩半

右為末煉蜜丸如梧桐子大每服二十九鹽湯或酒

不拘時服

澤瀉散 治冷淋小便澀痛脹滿

澤瀉

鷄蘇

赤茯苓

去黑皮

石韋

去毛

當歸

切焙

蒲黃

檳榔

琥珀

各一兩

桂

去粗皮三分

桑螵蛸

炒

枳殼

各半

兩

右為散每服二錢煎冬葵子湯調下木通湯亦得不

拘時服

沉香散 治冷淋臍下妨悶小便疼痛不可忍

沉香

石韋

去毛滑石

當歸

王不留行

瞿麥

各半

甘草

白朮

葵子

赤芍藥

各三分

右為散每於食前煎大麥飲調下二錢以利為度

菰藟飲

治冷淋寒顫澀痛

菰藟

剉

土瓜根

黃耆

剉

地骨皮

五味子

各一兩

人參

牡蠣

煨各一兩半

石膏

碎四兩

右搗篩每服五錢水一盞半煎七分去滓溫服不拘

時一方食前溫服

木香散 治冷淋小腹氣滿不得宣通

木香

桂心

各三分

大麻仁

葵子

瞿麥

澤瀉

菖蓂

青橘皮

湯浸去白穰焙一兩

右為麤散每服四錢水一盞入葱白七寸煎至六分

去滓食前溫服

茅根飲 治冷淋寒顫小便澀痛

茅根

菝葜

篋竹葉

五味子

各一兩半

石膏

五兩

參

二兩

烏梅

十五枚

右剉為麻豆大每服五錢水一盞半煎至一盞去滓溫服不拘時

菝絲子散

治冷淋洩便冷澀

菝絲子

肉蓯蓉

五味子

黃耆

鷄臍脰皮

蒲黃

各一兩半

消石

右為散每服二錢以溫服酒調下不拘時

檳榔散 治冷淋腹脹脇滿小腹急痛

檳榔

木香

當歸

各半
西

丁香母

桂心

各一
分

龍

腦

一分
猪苓
西

右為細散不拘時煎生薑葱湯調下

榆皮湯 治冷淋小便澀

榆皮

桂

去粗
皮

芎藭

各半
西

瞿麥穗

木通

各一
西

人

參

三分

右劉如麻豆大每服五錢水一盞半煮八分去滓溫服不拘時

葵子散 治冷淋小便數恒不利

葵子 赤茯苓 白朮 當歸 澤瀉 木香

半兩

右為麤散每服三錢水一盞煎六分去滓食前溫服
木通散 治冷淋小腸不利莖中急痛

木通 葶藶 木香 當歸 赤茯苓 青

隔紙炒

各半兩

橘皮

三分湯浸
去白穰焙

右為細散每服食前煎紫蘇湯調下二錢

菟絲石脂散 治冷淋

菟絲子

白石脂

牡蠣

各二兩

桂

去粗皮

土瓜根

剉各

一兩

右為散每服二錢煮大麥粥飲調下空心食前服

生附散 治冷淋小便秘澀數起未通囊中疼痛憎寒

凜多困飲水過度或為寒泣心虛志耗皆有此證

附子

生去皮

滑石

各半兩

瞿麥

半夏

湯洗七次

木通

各三分

右為末每服二大錢水二盞薑七片燈心二十莖蜜

半匙煎七分空心服

蜀椒丸

治陰汗小便多冷淋等證

蜀椒

去目及閉口者出汗三兩

杏仁

湯浸去皮

右先以醇酒一升半熬令酒盡取椒焙為末杏仁別

研相和為丸如梧桐子大每日空心鹽湯下二十丸

晚再服

治大人小兒冷淋小便出血

川椒子 北五味

右等分為末酒任下二錢空心大小加減

麝香散 治冷淋諸方不瘥者

用麝香不拘多少細研每服半錢空心溫酒調下

治冷淋小腸不利莖中急痛

用擗葉搗末一服三錢水一盞葱白七寸煎六分去

滓食前溫服

木香湯

治冷淋氣凝滯小便澀淋作痛身體冷青

木香

木通

檳榔

當歸

赤芍藥

青皮

澤瀉

辣桂

橘紅

甘草

舶上茴香

焙

右剉散每服三錢薑五片煎服

熱淋

附論

夫三焦者水穀之道路也三焦壅盛移熱於膀胱流傳胞內熱氣併結故水道不利而或成淋也其狀澀便赤澀或如血汁亦有如豆羹汁者甚則尿血故謂之熱淋

也

方

榆白皮湯 治熱淋小腸脹滿數澀疼痛

榆白皮 甘遂 瞿麥 犀角屑 赤茯苓 木

通判 山梔子 子芩 滑石 各半 川芒硝 一

兩

右為散每服三錢水一盞煎五分去滓食前溫服

瞿麥湯

出聖惠方

治心經壅熱小便淋澀赤痛

瞿麥穗

三分

茅根

冬瓜子

葵子

木通

黃芩

竹葉

滑石

研一分為末
分作三帖

右為散每服四錢水一盞煎六分去滓不拘時溫服

瞿麥散

出聖
惠方

治熱淋澀痛熱極不解

瞿麥

桑根白皮

木通

滑石

赤芍藥

子

苓

甘草

榆白皮

川芒硝

右除滑石外麤搗即分為三劑每服劑用水三盞煎

二盞去滓入滑石末一帖攪勻分二服溫服食前

治血淋諸熱疾方

出醫方
大成

山茵陳 淡竹葉 山梔子 滑石 甘草 木

通 猪苓 瞿麥

各半兩

右剉每服五錢水一盞半燈心少許同煎去滓空心服如大便秘澀加大黃兩半同煎

麥門冬散

出聖惠方

治心氣壅澀滯成淋臍下妨脹

麥門冬

去心

木通

剉

赤芍藥

葵子

各一兩

滑石

二兩

芒硝

一兩半

右為散每服四錢水一盞入葱白二根生薑半分煎

六分去滓每於食前溫服

治心臟煩熱臍下妨脹小便淋澀

出聖惠方

葵子

滑石

木通

剉

瞿麥

白茅根

各一兩

甘草

半兩炙

右為散每服四錢水一盞入葱白煎六分去滓食前

溫服

石韋散

出聖惠方

治熱淋心神煩熱小腹滿脹

石韋

去毛

瞿麥

車前子

葵子

各一兩

滑石

二兩

甘草

炙三分

右為細散煎粥飲調下二錢冷水調亦可忌酒麵物

一方無甘草

車前子散 治熱淋秘澀不通

車前子

炒

牛膝

剉各半兩

蒲黃

一兩

桑根白皮

剉二兩

右為散每服二錢煎葱湯調下不拘時服

四汁飲 治熱淋小便赤澀疼痛

葡萄

自然汁

蜜

生藕

自然汁

生地黃

自然汁各五合

右和勻每服七分水一盞銀石器內慢火熬沸溫服不拘時

白茅根湯

出聖惠方

治熱淋澀痛熱極不解

滑石

芭蕉根

各半兩

蓮子草

一兩

白茅根

一兩半剉

右為散每服四錢水一盞煎至六分去滓食前溫服

以利為度

黃連丸

出聖惠方

治熱淋小腹疼痛不可忍者

方見本門小便利多類

車前子湯 治熱淋小便赤澀痛

車前子

葵根

升各一

木通

三兩

右剉如麻豆大以水十二盞取四盞去滓下芒硝末半兩分四服溫如行人六七里再進一服微利為度

木通散

治熱淋小便赤澀疼痛

方見本門

滑石散

出聖惠方

治熱淋小便赤澀疼痛

滑石

研二兩

枯婁根

剉二兩

石韋

炙去毛半兩

右為散每服二錢煎小麥湯調下不拘時一方治卒

小便淋閉不通用麥飲調下服

滑石散

出聖惠方

治熱淋小便澀痛

滑石

二兩

石韋

去毛

榆白皮

剉各一兩

右為散每服三錢水一盞入葱白七寸生薑半分煎

六分去滓食前溫服

木通湯

治小便熱淋不利莖中急痛

方見本門

滑石湯

治熱淋小便澀痛

滑石

研四兩

冬葵子

二兩

右搗篩每服五錢水一盞半煎八分去滓溫服食前一
方治沙石淋為末熱水調下

治熱淋方

大棗

二七枚

葵根

切一升冬夏用苗

右以米水三升煎取一升二合分二服熱加黃芩一
兩如滑石二兩末血者加苗根二兩痛者加芍藥二
兩如藥亦加水也

石韋湯 治心經蘊積熱傳於小腹小腹熱則傳於脬

中屈擗而系轉診心脉大而洪

石韋

去毛

車前子

右等分濃煎汁飲之其人腹脹此忍溺好屈卧曲膝則陰縮腫此厥陰之証加赤茯苓黃耆等分尤好一方每服五錢水二盞煎一盞去滓俟溫服

治熱淋小腹脹滿急痛

出聖惠方

麻皮

一兩

甘草

三分炙微赤

右為散以水二大盞煎取一盞三分去滓食前分三

服

治熱淋小腸不利莖中急痛

出聖惠方

烏麻子 蔓菁子

各五合

右為藥同炒黃色研用絹袋盛以井花水三升慢火

煎一盞服之

車前子散

出十便良方

治熱淋小便不利莖中急痛

車前子

一兩合葵根一兩半剉

右為散水一盞半煎一盞去滓食前分二服

治熱淋

出經驗良方

用大田螺十五個以淨水養待螺口中出泥澄去上面清水以底下濃泥入膩粉半錢調塗臍上尿立通將所養田螺便放長江去留螺或殺其病不效

近効治淋日夜數十度喫藥不瘥者

空腹服井花水三升必瘥若方喫水後行六七百步甚良

朴硝散

方見本門小便不通類

治熱淋小便赤澀熱痛

葱白湯 治熱淋小便澀痛

用葱白一握細切用淡漿水一升煎取七分去滓放
溫服一盞不拘時

筆頭灰散

出肘後方

治熱淋小便赤澀熱痛

用故筆頭五十枝燒灰研細末每二錢一服溫水調
下不拘時一方治小便不通數微腫水和服之兔毫
筆頭尤佳兼治中惡脫肛

麻根湯 治熱淋小便淋澀赤

用麻根剉五十莖麝搥節每服五錢以水一盞半煎取一盞去滓溫服不拘時服

車前子湯 治熱淋

用車前子半升麝搥節每服三錢水一盞煎至七分去滓放溫服不拘時服一方治沙石淋血淋絹袋盛煎

滑石散 治熱淋小便赤澀熱痛

用滑石四兩搥羅為散每服二錢煎木通湯調下不

拘時侯溫服頭夜勿食

治熱淋方

用白茅根切四觔以水一斗五升煮取服一升日三夜二服一方用泉水飲之

又方

常煮冬葵子根作飲服之

治發熱口乾小便澀

取甘蔗去皮盡令喫之若口痛擣取汁服之

治熱淋如血極驗

出衛生家寶方

蠶種燒灰入麝香少許

燈心湯 治熱淋疼痛

燈心 乾柿


右二味等分剉碎水煎服

治暴熱淋小便赤澀

用合明草搗絞汁服

主發熱口乾小便澀

用姜蕤五兩煮汁飲之



普濟方卷二百十四